

明詩別裁集

三至四

本庄

113

1112

2

65

60

55

明 4 13
號 1112
卷 2

明詩別裁集卷二目錄

高棟四首

王恭二首

卞同一首

鄭真一首

鄭灞一首

練子寧一首

方孝孺五首

明詩別裁集

卷三目錄一

花房仙文鄭氏寄贈

011702039144

程本立 二首

袁敬所 一首

趙 珩 一首

解 縉 一首

楊士奇 二首

谷 宏 一首

趙 文 一首

趙友同 一首

曾 祭 二首

李昌祺 二首

尹鳳岐 一首

金 誠 一首

黃 潤 一首

沈 貞 七首

薛 瑄 一首

于 謙 二首

劉球 一首

施敬 二首

黃聚 一首

劉績 四首

錢曄 二首

蕭鑑 一首

王清 一首

鄭登 四首

張和 一首

陳憲章 一首

范澄 一首

沈愚 一首

陸德蘊 一首

陳寬 一首

王越 一首

蘇平 一首

王佐一首

秦夔一首

李東陽十一首

明詩別裁集卷三

長洲 沈德潛 稿士

周準 欽菜 同輯

高棟 棟字彥恢 長樂人 永樂初以

籍卒。林尚默云詩始漢魏至唐極

盛宋失之。理趣元滯于學識而不

悟以入自襄城揚士宏始編唐音然

知者尚鮮先生選唐詩品彙議者服

其精博。典籍詩以五言為勝俞

汝成盛推歌行非薦論也。至擬唐諸

形初無君

九月八日郭南山亭宴集分得下

字

海國霜氣涼。秋聲落遙野。乾坤肅以清。收
納屬多暇。出郭尋幽期。同人命軒駕。載酒
入翠微。憑高憇層榭。蒼山橫黃雲。大江天
同瀉。飛雨霞際晴。夕陽雁邊下。江山滿陳
迹。今古成代謝。高興殊未平。臨風獨悲吟。
飛雨十字寫
晚景入画

賦得羅浮霜月懷二逸人

海國梅始白。飛霜動鳴鐘。寒空一片月。挂
在羅浮峰。夜色不映水。清光與之同。百里
皆瑤華。千林闕幽風。蕭條巖際葉。嘹唳雲
邊鴻。遠客起遙念。滄波思十重。夢迴明鏡
沒。寂歷聞幽蛩。

水竹居

清溪入雲木。隱處林塘深。微月到流水。冷

冷竹間琴。虛聲起。遙聽天影微。遠心余亦
鸞鶴侶。將期此投簪。

題臺江別意。錢顧存信歸番禺

置酒臺江上。悵然傷解攜。番禺天萬里。矯
首南雲低。停舟對君日。將暮目送南雲指。
歸路鄉夢多。隨蜃母樓家林。近日扶桑樹。
滄浪浩蕩杳難期。此別重逢又幾時。東去
臺江應到海。唯因流水寄相思。

王

恭

恭字安中。閩縣人。永樂初。以
儒士薦起授翰林典籍。尋投

歸牒

聞笛歌送人之塞上

橫笛對離亭。扁舟越江口。月下何人最斷
腸。天涯怨別驚楊柳。此夜愁心獨對君。明
朝悵別又離群。單于城上吹羌管。知爾相
思不忍聞。

春鴈

春風一夜到衡陽。楚水燕山萬里長。莫怪
春來便歸去。江南雖好是他鄉。

卞同字孟
字其人

倪雲村畫

雲開見山高。木落知風勁。亭下不逢人。斜
陽澹秋影。

鄭真真字千之勤縣人洪武壬
子鄉試第一官廣信教授

寄烏繼善先生

紅心驛外望家山。颯颯西風兩鬢斑。繫雁
書成霜滿地。飯牛歌罷月臨關。誤傳海外
蘇公死。終許羌村杜老還。客舍不知身健
否。何時訪我白雲間。

鄭灞灞字仲養
浦江人

海棠仕女圖

東風蕩漾百花潭。翠袖迎風酒半酣。好鳥
隔窓催曉色。美人殘夢到江南。

練子寧

子寧字名安新。涇人。洪武乙丑榜眼。累官工部侍郎。建文

時遷御史大夫。靖難兵入。不屈死。

二月望日與饒隱君遊玉筒山

我懷謝康樂。獨往遊名山。身同雪舟繫。心與浮雲閒。清風澹蕩洒六合。令我與在雲松間。玉山高與南斗齊。雲錦照耀廬山低。三十六峰凌虹霓。飛湍噴雪臨迴涂。長松挂月青猿啼。上有梅仙采藥之幽栖。下有

蕭雲讀書之故基。洞天石扇杳莫測。瑤草謾長三春萋。我欲因之覽八荒。手拂青蘿眠石牀。回飈吹散碧天霧。清冥倒瀉澄湖光。作為玉山謠。寄之雙峰客。興來攜妓秋復春。笑殺東山謝安石。

方孝孺

孝孺字希直。臨海人。建文十年。文學博士。靖難兵至。令草詔。

不屈。族誅。

閑居感懷

我非今世人。空懷今世憂。所憂諒無地。慨
想禹九州。商君以為秦。周公以為周。哀哉
萬年後。誰為斯民謀。

鳳隨天風下。暮息梧桐枝。群鳴得腐鼠。笑
汝長苦飢。舉頭望八荒。默與千秋期。一飽
亮易得。所存終不移。

池魚不知海。越鳥不知燕。蚯蚓霸一穴。神
龍行九天。小大萬相殊。豈惟物性然。君子
勿嘆息。彼誠可哀憐。

上巳約友登南樓

此等怨滿眼。不知春淺深。良明曠嘉會。濁
酒難此。迢迢城上樓。高朗宜遠望。曷不
一舉。卧維空淵與岑。逍遙群動表。舒豁萬
古心。古人已寂寞。繼者應在今。蘊真有不
樂外。莫非所欽。願言頌衆妙。無為鬱冲襟。

懿文皇太子挽詞

盛德聞中夏。黎民望彼蒼。少留臨宇宙。未
必愧成康。宗社千年恨。山陵後世光。神遊
思下土。經國意難忘。

程本立

本立字原道。崇德人。洪武中
以明經薦。建文初徵入翰林。

陞僉都御史。靖難兵
至。自經於應天府學。

題李典儀雲東卷

母老今猶健。兒行久不歸。一官淹白首。萬
里夢斑衣。越郡東溟濶。秦關西日微。只將

雙淚眼。日日看雲飛。

晚正安寧

連然驛路馬曾諳。落日行人思不堪。地極
九州銅柱北。山蟠六詔鐵橋南。湯池水底
皆陰火。鹽井烟中半夕嵐。回首蓬萊天萬
里。忽教塵鬢白毵毵。

袁敬所

敬所不知其名。靖難後流寓
常山之松嶺。酒酣書五柳圖。

詩擲筆悲吟。繼吟濺淚。有江右布商
見之曰。此吾鄉某編修何為在此敬

所趨掩其
不顧而去

題淵明五柳圖

藜杖芒屨白布裘。山中甲子自春秋。呼兒
點檢門前柳。莫遣飛花過石頭。

趙 班字雲漢。祥符人。洪武丁卯
舉人授兵部主事。後歷官禮

兵刑三部尚書

成南書事

三年為客寄龍沙。望斷南天不見家。惟有

受降城上月。照人清淚落胡笳。陳師子云
有嘉州之

解 縉字大紳。吉水人。洪武戊辰
進士。永樂中官翰林學士。出

為廣西參政。交趾入奏事。會太宗
北征。見東宮辭去。為高煦所訐。徵下
獄。死。永樂以還。尚臺閣體諸大老
倡之。衆人靡然。和之。相習成風。而真
詩漸亡矣。故解大紳以下
李賓之以前所收獨略

送劉繡衣按交趾

虬髯白晢繡衣郎。驄馬南巡古越裳。城郭

新開秦郡縣。山河原是漢。金湯天連銅柱。蠻烟黑。地接珠崖。海氣黃。莫說炎荒。冰雪少。須令六月見飛霜。

楊士奇

士奇名寓以字行。泰和人。建文時以辟召入翰林。永樂初

改編修入直文淵閣。累官少師。贈太師。謚文真。

漢江夜泛

泛舟入元夜。奄忽越江干。員景頽西林。列宿燦以繁。凝霜飛水裔。回飈蕩微瀾。孤鴻從北來。哀鳴出雲間。時遷物屢變。遊子殊未還。短褐不掩脛。歲暮多苦寒。悠悠念行邁。慙慙懷所懽。豈不固時命。苦辛誠獨難。感彼式微詩。喟然興長嘆。

同蔡尚遠尤文度朱仲禮楊仲舉

蔡用巖遊東山

步出城東門。逍遙望雲巘。累月懷佳遊。茲晨遂登踐。梵宇繞層阿。飛樓凌絕峴。方塘

涵湛碧喬林茂敷行繁翳幽莫通丰茸紛
 不剪攀磴窮高躋緣徑屢回轉是時微雨
 收輕霞澹舒卷睇遙素橫川俯夷綠盈畎
 陟降體自便顧睇心已緬况接曠士言復
 借釋子辯析空理弗昧違喧抱逾轉何因
 此間樓永令浮慮遣胚胎晋宋
端厚不佻

谷

宏

宏福州人洪武
中官中書舍人

行經華陰

崔嵬太華出雲中積翠遙連渭水東秋色
 萬家連遠塞暮烟一帶遠離宮秦關月落
 行人少漢時天陰古殿空寂寞武皇巡幸
 處祠郊木葉起秋風宋轅文云調既
不卑景色亦合

趙

文

文字宗文長洲人永樂
中以薦舉官鄱陽知縣

過金山寺

水天樓閣影重重化國何年此寄蹤淮海
 西來三百里大江中湧一孤峰濤聲夜恐

巢枝鳥雲氣朝隨出洞龍。幾欲登臨帆去疾。蒼茫遙聽隔烟鐘。

趙友同

友同字彥如金華人徙長洲官太醫院御醫

宋徽宗畫半開梅

上皇朝罷酒初酣。寫出梅花蕊半含。惆悵汴宮春去後。一枝流落到江南。

曾

啓

啓字千啓永豐人永樂甲申賜進士第一歷官詹事府少

詹事贈禮部侍郎諡襄敏子啓五言如斷雲京口樹殘月廣陵鐘有中

致唐風

車駕渡江

朱旗畫戟擁晴沙。錦纜牙樁向水涯。佳氣洄浮江北樹。日光初照海東霞。雲中鸞鳳扶丹轂。水底魚龍識翠華。不用臨流羨大壑。只今四海盡為家。

送陳郎中重便西域

雕輪歷碌擁鳴騶。幾欲停鞭記舊游。赤嶺

晚雲連雪積。黃河春水帶。冰流旌麾每過。羅諸部。金帛頻頒。拜衆首。却笑虎頭班。定遠身親百戰。覓封侯。

維揚懷古

廣陵城裡昔繁華。煬帝行宮接紫霞。玉樹歌殘猶有曲。錦帆歸去已無家。樓臺處處迷芳草。風雨年年怨落花。最是多情汴堤柳。春來依舊帶栖鴉。

李昌祺

名禎。以字行。廬陵人。永樂中。申進士。官至廣西布政使。

過吳門

七澤三江通甫里。楊柳芙蓉照湖水。閭門過去是盤門。半掩珠簾畫樓裡。蘼蕪生遍鴛鴦沙。東風落盡棠梨花。館娃香徑走麋鹿。清夜鬼燈明絳紗。三高祠下東流續。真娘墓上風吹竹。西施去後屨廊傾。歲歲春深燒痕綠。

送周秀才遊長沙

迢。遶。長。沙。道。道。遙。歲。宴。遊。亂。山。黃。葉。寺。孤。
棹。白。蘋。洲。夕。鳥。衝。船。過。寒。波。背。郭。流。母。論。
卑。濕。地。賈。傳。昔。淹。留。

尹鳳岐

鳳岐字邦祥吉水人永樂丙戌進士官翰林侍講

送兄廣東參政應奎

价。人。藩。間。寄。句。宜。五。嶺。南。行。遠。著。鞭。曉。日。
紅。亭。留。別。酒。秋。風。黃。葉。下。瀧。船。青。連。檝。攬。

千。家。雨。黃。觸。枕。柳。萬。井。烟。珍。重。平。生。清。節。
在。不。妨。飲。滿。酌。貪。泉。

金

誠

誠字成之番禺人永樂戊戌進士官刑部主事

江行

江。水。悠。悠。江。路。長。孤。鴻。啼。月。有。微。霜。十。年。
踪。跡。渾。無。定。莫。更。逢。人。問。故。鄉。

黃

閔

閔字期餘信豐人永樂戊戌進士

擬唐人長安春望

南山晴望鬱嵯峨。上苑春遊玉輦過。天抱
 帝城雙闕迴。日臨仙仗五雲多。鶯聲盡入
 新豐樹。柳色遙分太液波。漢主離宮三十
 六樓臺。處處起笙歌。

沈

貞

貞字元吉長興人
卜居橫玉山下

樂神曲七首

有序

樂神曲者。擬楚詞九歌而作也。吳人
 尚鬼祀。必以巫覡迎送舞歌登獻。其
 辭褻嫚。穰災徼福。不知其分。滋黷甚
 矣。故為此辭。以明鬼神之理。禱祀之
 意。祛其荒淫之志焉。

保我之民兮。邑此方。崇其墉兮。浚其隍。民
 不驚兮。志定。眷靈修兮。作民命。隄揚兮。結
 陰。青青兮。蔽林。女牆堅兮。有郭。有郭。繞洫
 灣兮。濠歸於壑。靈之來兮。元都。颺旂旌兮。
 若荼。陳一豕兮。兩羴。載斟之兮。百壺。城兮。

皇言別裁集 卷三 三十一
隍兮吾永無虞。

右城隍

嗟靈伯兮御清冷。洗祥鼓兮滌炎蒸。駱蕩兮春初。颼颼兮夏徂。颼颼下兮木葉枯。號空桑兮吹雪。載塗靈之來兮。憑女巫。女巫兮屢舞。箬簫兮伐鼓。靈醉飽兮無怒。蕭蕭來兮颼颼去。

右風伯

佩芳蘭兮擘芬椒。潔新服兮綴珠珫。駕靈螭兮翔重霄。要靈輅兮下迢迢。我禾兮成。役我田兮龜坼。烈日兮驕陽。利行水兮熱湯。靈之來兮天外。下土乾兮露一漑。維靈布澤兮惠我無私。嗟我民兮其敢繹思。靈皇皇兮萃只。舞傲傲兮醉只。福穰穰兮歲復歲只。

右雨師

明詩別裁集

卷三

四

月維仲兮日維剛。肅齋宮兮神所藏。靈輝
輝兮垂佩。儼飛馭兮高蓋。降靈雨兮來斯。
左有翁兮右有妃。悵嘉期兮難又。羨永嘆
兮陳辭。靈修修兮不語。逝翩翩兮歸去。

右社公

波震蕩兮具區。既底定兮奠神之居。芙蓉
蓋兮淺車。導翠龜兮文魚。神之來兮孰俱。
後子皮兮前靈胥。與神遊兮湖之滸。衝風
息兮極浦。有侶兮妙舞。有冽兮清醑。神保
聿歸兮或返而顧。灌我田兮受神之祐。

右太湖神

雄何為兮屬於鄉。祀有時兮享有嘗。赭白
馬兮青蓋。明而沒兮晦而在。屏方相兮去
儺。神巫進兮舞且歌。雄欣欣兮遠逝。不水
旱兮不疵厲。樂吾民兮世世。

右鄉厲

兩旗兮分張。舞輕風兮悠揚。神之司兮我疆。原田每每兮。立我青秧。不稂不莠兮。無好無妨。時雨兮。時暘。俾百穀兮登塲。維神兮降康。報之兮。肴蒸膋羊。七章未能獨造。然終是雅音。

右青苗神

薛瑄

瑄

字德溫。河津人。永樂辛丑進士。歷官禮部左侍郎兼文淵閣大學士。謚文清。從祀孔廟。

梅花落

檐外離又梅樹。庭前昨夜風。不知何處笛。并起一聲中。

于謙

謙

字廷益。錢塘人。永樂辛丑進士。官至大理寺少卿。景陵

即位拜兵部尚書。加少保。英宗復辟。棄市。成化中。贈太傅。謚肅愍。後改忠肅。

暑月將自太行巡汴

三晉衝寒到。中州冒暑回。山川原不改。節候自相催。綠樹連天暗。丹葵向日開。太行

雲縹緲搔首意徘徊

上太行

西風落日草斑斑。雲薄秋容鳥獨還。雨鬢霜華千里客。馬蹄又上太行山。

劉球 球字求樂更字廷振安福人永樂辛丑進士官翰林侍講

以忤王振矯旨下獄死景泰初贈翰林學士謚忠愍

山居

水抱孤村遠。山通一徑斜。不知深樹裡。還

住幾人家。

施敬 敬字孟莊錢塘人謫居真

巴陽夜泊

獨棹三巴夜。秋高片月孤。灘聲將客夢。萬里下東吳。

南行途中寄錢塘親友

萬里移家入瘴烟。故鄉音耗若為傳。衡陽自古無來雁。況去衡陽又八千。

黃

聚

聚字仲聚
文江人

客夜

西風蕭蕭木葉稀。秋深作客何時歸。城頭
月出照擊柝。江上露白催搗衣。雁鴻附書
遠莫致。烏鵲遠樹還驚飛。三更不眠欲起
舞。躍馬卧龍誰是非。

劉

績

績字孟熙山陰人隱居
不仕人稱西江先生

題西陵送別圖送姚進士

悠悠復悠悠。風吹江上舟。今朝天色好。送
客西陵頭。西陵在何許。羃歷春郊樹。搔首
望行人。迢迢上京路。京路一千程。官梅照
眼明。春風濃似酒。難浣別離情。別離餘幾
日。佇得君消息。折取杏園花。慰我長相憶。
相憶夢相仍。高樓只自登。春潮知我意。日
夜向西陵。

早春寄白虛室

帝城佳氣接烟霞。草色芊芊紫陌斜。殘雪未消雙鳳闕。春風先入五侯家。歌鐘暗度新豐樹。游騎晴騎上苑花。獨有子雲才思逸。應傳麗句滿京華。

征夫詞

征夫語。征婦死。生不可知。欲慰泉下魂。但視祿中兒。

征婦詞

征婦語。征夫有身當殉國。君為塞下土。妾作山頭石。

錢

曄

曄字允輝。常熟人。浙江都司。經歷。

過江

江渚風高酒乍醒。川途渺渺正揚舠。浪花作雨汀烟濕。沙鳥迎人水氣腥。三國舊愁春草碧。六朝遺恨晚山青。不須倚棹吹長笛。恐有蛟龍欲出聽。

贈周岐鳳

李賓之云江陰周岐鳳坐事亡命扁舟夜泊擘

投以詩岐鳳得之大動江南人至今傳之

琴劍飄零西復東。舊游清興幾時同。一身

作客如張儉。四海何人是孔融。野寺鶯花

春對酒。河橋風雨夜吹篷。機心已共沙鷗

靜。惟有家山在夢中。

蕭

滋字孟勤。泰和人。宣德丁未進士。累官太子少師。戶部尚

書

送李佑之赴陝西叅議

十載含香侍上台。旬宣分陝用奇才。黃河

九曲天邊落華岳。三峰馬上來長樂。月明

鐘響靜樊川。春漲水波洄。當年召伯留遺

澤。會看甘棠到處開。

王

清字一寧。合肥人。世襲濟寧衛指揮。陞廣東都指揮。死寇

難

塞上感懷

西風關外雪初晴。懷古思鄉百感生。玉帳
枕戈人萬里。鐵衣傳箭夜三更。夢回絕域
烏桓地。戰罷空山敕勒營。烽火微茫天去
遠。月中鴻雁送秋聲。

郭登 登字元登。武定侯。諸孫景泰初。官都督。領事守大同。以

封定襄伯。英廟復辟。謫戍甘肅。成化初。復爵。贈侯。謚忠武。定襄山三樹。詠集。諸篇。盛推。衆口。然才力。恣肆。或非正聲。茲擇其尤雅者。

題蔣迂暉小景

我家南山下。柴門別經久。不知今春來。新
添幾株柳。清江閑釣竹。鷗鷺還來否。對此
忽相思。長歌獨搔首。

送岳季方還京

登高樓望明月。明月秋來幾圓缺。多情只
照綺羅筵。莫照天涯遠。行客天涯行客離
鄉久。見月思鄉搔白首。年年長自送行人。
折盡邊城路。傍柳東望晴川一雁飛。可憐

同住不同歸身留塞北空彈缺夢繞江南
 未拂衣君歸復喜登臺閣風裁稜稜尚如
 昨但令四海歌昇平我在甘州貧亦樂甘
 州城西黑水流甘州城北黃雲愁玉關人
 老貂裘敝苦憶平生馬少游皇明詩選裁
末四語作斷
句明詩綜因之然通體纏綿
有情不迂不促故仍用原本

甘州即事

黑河如帶向西來河上邊城自漢開山近

四時常見雪地寒終歲不聞雷牦牛互市
 番帳出宛馬臨關漢使回東望玉京將萬
 里雲霄何處是蓬萊

保定塗中偶成

白壁何從摘舊瑕纔開羅網向天涯寒窓
 兒女燈前淚客路風霜夢裡家豈有醜人
 羊叔子可憐憂國賈長沙獨醒空和騷人
 詠滿耳斜陽噪晚鴉

張

和進士官至浙江提學副使

與朱千戶夜話

客裡相逢感慨深。劔歌時復動悲吟。清尊
坐對三更月。紫塞遙馳萬里心。瀚海地荒
龍馭遠。交河風急雁書沉。微生愧乏安邊
策。北望長天淚滿襟。

陳憲章

憲章字公甫。新會人。正統丁卯舉人。用薦授翰林檢討。謚

文恭從祀孔廟

冬夜

長夜氣已淒。木棉被重裘。端坐思古人。寒
燈耿悠悠。是時病已間。背汗仍未收。學業
坐妨奪。田蕪廢耒耨。高堂有老親。遍身無
完綢。丈夫庇四海。而以俯仰憂。口腹非所
營。救水吾當求。明且理黃犢。進我南岡舟。

范

澄 澄字國清。寶應人。景泰庚午舉人。

送別

酒盡津鼓喧。風生浦帆亂。山迴不見君。夕陽在沙岸。

沈

愚

愚字通理 崑山人

陳宮懷古

景陽宮井積浮埃。三閣遺基半綠苔。悵悵後庭花落盡。黑頭江令獨歸來。

陸德蘊

德蘊字潤 玉華亭人

重過沙河道中

白鶴沙頭水自波。扁舟曾載夕陽過。東風一路蘼蕪綠。添得春愁別後多。

陳

寬

寬字孟賢 吳人 檢討繼之子

題燕穆之楚江秋曉圖

五更人語覺潮生。估客帆檣候曉行。樹色未分雲夢澤。雞聲已動漢陽城。天空畫角吹霜盡。月落銀河入斗橫。欲問楚南千古事。至今江水為誰清。

王越越字世昌濬縣人景泰辛未進士天順中官右副都御史

巡撫大同進兵部尚書論出塞功封

威寧伯尋加少保贈太傅謚襄敏

威寧詩性情流露不須雕飾如髮為

胡笳吹作雪心因烽火煉成丹極悲

歌感慨之致自然云雅音則未也至劉

原博云孤臣自恨無容地逆虜猶存

不共天但取其忠義可矣

與李布政彥碩馮僉憲景陽對飲

相逢無奈還傷別尊酒休辭飲幾巡自笑

年來嘗送客不知身是未歸人馬嘶落日

青山暮雁度西風白草新離恨十分留一

半三分黃葉二分塵絕句上半首為

蘇平平字秉衡海寧人舉賢良方

正不就。東衡詠繡鞵詩南方

湘南懷古

江山搖落獨登臨草色湖南入望深萬古

空留湘女恨九歌誰識屈原心霜清楚曉

蘭香歇雲暗巴陵雁影沉正是客懷消不

得竹枝聲裡斷猿吟

王

佐

佐字建用天順已卯舉人福州衛籍宮訓導

宮怨

芙蓉帳冷減容光。愁倚熏籠嬾著妝。寒氣

逼人眠不得。鐘聲催月下斜廊。似少言外意而寫情

逼真列朝詩選采夢蕉詩話謂官文媚蘭仙子詩恐近於傳會也詩見王廷用集中

秦

夔

夔字廷韶無錫人天順庚辰進士歷官江西右布政

同金廣信宗器遊番湖

番湖水落秋容冷。碧色澄鮮三萬頃。樓般

噉嘈何處來。十幅蒲帆弄秋影。霜晴九月

葭葦枯。芙蓉著花秋滿湖。吳興已遠郭熙

老。誰為寫此秋江圖。汀州遠近迷雲樹。東

去滄波急如注。康山一髮天際橫。傳是先

皇。洗兵處。當年血戰湖水黃。日月照耀旌

旗光。鼎湖龍去不復返。只有雁鷺飛茫茫。

天開大澤雄。今古氣撼東吳及南楚。巴陵

洞庭何處邊。目斷潯陽送樓櫓。北風獵獵握雙筴。此行竒絕如登瀛。風波平地不須起。向來魂夢今猶驚。馬浩歌蓬底還搔首。却憶同行信州守。萍水飄零盡白頭。相逢且醉餘干酒。

李東陽

東陽字賓之茶陵人天順甲申進士歷官少師兼吏部尚

書贈太師謚文正永樂以後詩茶陵振而起之如老鶴一鳴喧啾俱廢後李何繼起元廓而大之駸駸乎稱一免柳揚太過宜招後人之培擊也

夜過邵伯湖

蒼蒼霧連空。冉冉月墮水。飄飄雙鬢風。恍惚無定止。輕帆不用楫。驚浪長在耳。江湖日浩蕩。行役方未已。羈棲正愁絕。况乃中夜起。

風雨嘆

壬辰七月壬子日大風東來吹海溢。峰嶽

巨浪高比山水底長鯨作人立愁雲壓地
濕不翻六合慘淡迷乾坤陰陽九道錯黑
白烏兔不敢東西奔里人倉皇神屢變三
十年前未曾見東村西舍喧呼遍牒書走
報州與縣山旣谷洶豺虎嘯萬木盡拔乘
波濤州沈島沒無所逃頃刻性命輕鴻毛
我方停舟在江臯披衣踞牀夜復書忽掩
青袍涕霑袖舉頭觀天恐天漏此時憂國
况思家不覺紅顏坐凋瘦潼關以西兵氣
多蘆笳吹塵塵滿河安得一洗空干戈不
然獨破杜陵屋猶能不廢嘯與歌世間萬
事不得意天寒歲暮空蹉跎嗚呼奈爾蒼
生何

夜過仲家淺間

日維乙未月丙戌青天無雲月東出舟人
喧逐夜濤發翻沙轉石紛出沒是時水淺

舟在地。牖門崔嵬。晝方閉。牖官醉睡。夫走
藏倉卒。招呼百無計。民船棄死。爭赴牖。楫
倒檣催動。交碎舟人。號咷乞性命。十里呼
聲震天地。我時兀坐驚春撞。攬衣而起心
徬徨。同行無人僕隸散。獨與船底相低昂。
攀崖陟磴不得上。咫尺如在天一方。流行
坎止。信有數。向來茂視淮。與江霜風欺人
衣袂薄。呼童酌酒累數觴。燈殘酒醒牖亦
空。迤邐斗墮地。天茫茫。

靈壽杖歌

吾聞武當之山。四萬二千丈。半在雲根半
天上。不知三十六宮何處稱絕竒。產出靈
株非一狀。蛟螭盤拏露頭角。熊經樹顛虎
山脚。根蟠節錯相糾纏。含風飽雪經炎寒。
九年洪水之水。浸不殺十日之白。暴烈何
時乾。梯懸磴接。跬步不可上。誰采青壁紅

琅玕見之羨者不容口。錫以嘉名曰靈壽。瓜之不入行有聲。金可同堅石同久。吾家此物舊所有。神與相扶鬼為守。自從病足跛曳不得前。已覺山林落吾手。一病經旬不出門。手中此杖嗟猶存。下牀歌足立不定。此時託子以為命。不顧四體無微疴。但願謝病歸山阿。左扶右策夾以二童子。下可涉園徑。上可凌陂陀。願栽萬本截萬杖。窮崖陰谷生森羅。靈兮壽兮此物倘可致。

直遣四海赤子頭俱皤。

從橫跌宕能盤硬語。牧齋詆斥空

同緣其常用杜句法也而茶陵此詩亦極規撫少陵牧齋偏盛推之渠胸中豈有真存耶

題畫雁鳥送羅緝熙

大鷹為猗猗瓜挾石。側目空巖睨秋碧。小鷹屈首俯且窺。威而不揚豈其雌。雌雄起伏各異態。意氣相看出塵壘。獨立羞將衆羽

群高飛。怕有浮雲礙。山寒木落。天始風日。色慘澹。川原空。人間狐兔。自有地。慎勿反。擊傷。鴻鴻。畫圖彷彿。是誰作。宛似懸鞬臂。間落高堂。匹練陰風生。萬里炎荒。盡幽朔。我生竒氣。空峻峭。揮毫對此。不無神。送渠羽翼朝天去。亦是雲霄得意人。

立春日車駕詣南郊

暖香和露遠蓬萊。彩仗迎春曉殿開。北斗舊杓依歲轉。南郊佳氣隔城來。雲行複道龍隨輦。霧散仙壇日滿臺。不似漢家還五畝。甘泉誰羨校書才。

南園秋風

別院臨城輦路開。大風昨夜起官槐。秋隨萬馬嘶空至。曉送千旂拂地來。落雁遠驚雲外浦。飛鷹欲下水邊臺。宸遊睿藻年年事。况有長楊侍從才。

與顧天錫夜話時天錫謫永州府

同知

路轉三湘去更深。路河西岸溯東潯。潛鱗
自足波濤地。別馬長懷秣飼心。湘女廟前
山似黛。柳公亭下石如林。徵科亦是公家
事。民力天南恐未禁。

與趙夢麟諸人遊甘露寺

澗篠巖杉處處通。野寒吹雨墮空濛。垂藤
路繞千年石。老鶴巢傾半夜風。淮浦樹來
江口斷。金陵潮落海門空。關書未報三邊
捷。萬里中原一望中。

九日渡江

秋風江口聽鳴榔。遠客歸心正漶茫。萬古
乾坤此江水。百年風日幾重陽。烟中樹色
浮瓜步。城上山形繞建康。直過真州更東
下。夜深燈火宿維揚。

遊岳麓寺

危峰高瞰楚江干。路在羊腸第幾盤。
 萬樹松杉雙徑合。四山風雨一僧寒。
 平沙淺草連天遠。落日孤城隔水看。
 薊北湘南俱入眼。鷓鴣聲裡獨凭欄。

明詩別裁集卷三

明詩別裁集卷四目錄

莊泉 二首

戴縉 一首

周瑛 一首

吳寬 一首

楊一清 三首

文林 一首

王鏊 一首

馬中錫 二首

邵寶 二首

喬宇 一首

王雲鳳 一首

文森 一首

沈周 二首

史鑑 一首

戴冠 一首

草止 一首

李夢陽 四十七首

明詩別裁集卷四

長洲 沈德潛確士 同輯

周 準欽萊

莊 泉 泉字孔陽江浦人成化丙戌進士官翰林授檢討以諫謫

官後遷南京吏部郎中 天啓初追謚文節

端午食賜粽有感

蓬萊官中懸艾虎舟滿龍池競蕭鼓千官
曉綴紫宸班拜向彤墀賀重午大官角黍

菰蒲香。絲繩萬縷。雲霞光。天恩敕賜下丹
 陛。瓊筵侑以黃金觴。東南米價高如玉江
 淮。餓莩千家哭。官河戍卒十萬艘。總向天
 厨。挽飛粟。君門大嚼心豈安。誰能持此回
 彫殘。小臣自愧悠悠者。無術救時真素餐。
杜老心事理學人
 何必專作頭巾語

憶舍弟

天邊聞一雁。杳杳向南徂。今夜西風冷他

鄉小弟。孤五人千里去。九月一書無。欲寄

一行淚。憑誰達客途。一氣揮灑絕
夫對偶之迹

戴縉縉南海人成化丙戌
進士累官工部尚書

楚江旅懷

薄暮過瀟湘。秋空楚水長。黃蘆千里月。紅

葉萬山霜。客夢懸雙闕。鄉心逐五羊。羈情

誰與晤。勞者若為傷。

周瑛瑛字梁石莆田人成化己
丑進士官至四川右布政

履霜操

父兮兒憎。母兮兒怒。跼天躅地。惜不知其
 故。父在高堂。兒在郊圻。晨興履霜。踵血淋
 漓。荷衣不暖。搏食不飽。不即捐溝壑。念我
 父母。父本兒愛。母本兒憐。一朝放逐。實兒
 之愆。維鳥有鷖。維蟲有羸。父兮母兮。其或
 歸我。昌黎作過於慈矣。此方是慈而不怒。與昌黎拘幽操一忠一孝並有于古。

吳寬字原博長洲人成化壬辰賜進士第一授翰林修撰累

官禮部尚書贈太子太保謚文定

賦黃樓送李貞伯

維河有源。星宿同導。河積石思神功。濁流
 汙漫失故道。積石却與澶淵通。平郊脫轡
 萬馬逸。一夜徑度徐州洪。徐州太守蘇長
 公。夜呼卒伍登城墉。一身未足捍大患。豈
 無木柵兼竹籠。戲馬臺傍二十里。築堤橫
 亘長如虹。高城不浸三版耳。挽回魚鱉仍

者童防河錄成天有工黃樓高起城之東
 五行有之可制水底用四壁塗青紅太守
 登樓賓客從舉杯酌水臨長風河伯俯首
 受約束不敢更與城爭雄水流滔滔向東
 去紆徐演漾殊從容員薪投壁竟何用漢
 家浪築宣房宮自公去後五百載水流無
 盡恩無窮我生慕公公不逢安得置我茲
 樓中賴濱淮海獨何幸留得兩賦摩蒼穹
 鳳池舍人今李邕南行別我何怱怱此邦
 萬靈日凋瘁賴爾繼續前賢踪睽日登高
 倘能賦封題須附真飛鴻

楊一清一清字應寧雲南安寧州人
 成化壬辰進士歷官戶部尚
 書進少師贈
 太保謚文襄

甘涼道中書事感懷

孤矢威天下雷霆震域中大兵方出塞小
 醜自相攻繼絕君王義宣威將帥功從今

月言另集
宵。肝。慮。不。復。在。西。戎。不復在西戎言所憂者正多也大臣心事

昭然如揭

山丹題壁

關山偪仄人踪少。風雨蒼茫野色昏。萬里
一身難獨任。百年多事共誰論。東風四月
初生草。落日孤城早閉門。記取漢兵追寇
地。沙場猶有未招魂。

將至寧夏

春詔西征駐節時。元戎奏凱已先期。苗民
自送三旬命。猥狁何勞六月師。燈火家家
開夜戶。弓刀處處捲風旗。益兵加賦休重
論。財賦於今兩不支。

文

林辰林字宗儒長洲人成化三
辰進士官至温州知府

舟中有懷林待用

渺渺長波映遠空。依依新柳颺春風。相思
人在青天外。盡日舟行細雨中。汲黯身為

漢廷重杜陵詩到錦城工。天王明聖江湖遠。贏得馳驅兩鬢蓬。

王

鏊

鏊字濟之。吳縣人。成化乙未。賜進士第三。累官吏部侍郎。

進少傳贈太傅謚文恪

贈梁都憲巡撫四川

赤甲白鹽雄作鎮。鐵冠繡斧凜先聲。雷山已為來時重。黑水應聞去後清。殿上位虛中執法。邊頭人散小團營。憑誰說與蘇明

允。畫像無煩記姓名。

人散小團營。謂亂崩不作。猶張方平之鎮

也。蜀

馬中錫

中錫字天祿。故城人。成化乙未。進士官至左都御史。

晚渡咸陽

野色蒼茫接渭川。白鷗飛盡水連天。僧歸紅葉林間寺。人喚斜陽渡口船。表裏山河猶往日。變遷朝市已多年。漁翁看破興亡事。獨坐秋風釣石邊。

元世祖廟

世祖祠堂帶夕曛。碧苔年久暗碑文。薊門
 此口瞻遺像。起輦何人識故墳。棹楔半存
 蒙古字陰廊。尚繪伯顏軍。可憐老樹無花
 發。白晝鴉鳴到夜分。起輦谷名。諸陵在
 曹潔躬云用車

典實鑄詞悽
 惋可稱絕唱

邵

寶

寶字國賢無錫人成化甲辰
 進士歷官至南京禮部尚書

謚文

孫翊妻

夫死矣。妾何敢生。夫誓為重身。為輕賊。尚
 生。妾何敢死。軍中幸有報恩子。號召如風
 赴如水。斷賊頭。祭夫墓。白日下高天。何處
 黃泉路。

乞終養未許

乞歸未許奈親何。帝里風光夢裡過。三月
 春寒青草短。五湖天遠白雲多。客囊囊衣在

縫猶密。驛騎書來字欲磨。聖主恩深臣分淺。百年心事兩蹉跎。

喬宇

宇字希大山西樂平人成化甲辰進士累官吏部尚書加

少保謚莊簡

秋風亭下泛舟

荒亭寥落野烟空。漢武雄才想象中。簫鼓應聲聞畫鷁。帆檣飛影動晴虹。山分秦晉群峰斷。水入河汾兩派通。少壯幾時還老大。不須迴首嘆秋風。

王雲鳳

雲鳳字應韶遼州和順人成化甲辰進士官至右僉都御

送客

雲氣溟濛雨欲絲。飄飄遊子別離時。愁看陌上青青草。送盡行人總不知。

文森

森字宗嚴長洲人成化丁未進士歷官右僉都御史江西

撫巡

九日

三載重陽菊。開時不在家。何期今日酒。忽對故園花。野曠雲連樹。天寒雁聚沙。登臨無限意。何處望京華。

沈子山云語不必深。自然蘊藉。此詩亦

見何大復集

沈

周

周字啓南長洲人景泰中郡守以賢良應詔辭不赴。句

如山雨乍來。茹溜溪雲。欲墮竹梢。低尚遇郭熙。應來入林泉。高致中以當畫本。

從軍行

馬上黃沙拂面行。漢家何日不勞兵。匈奴久自忘甥舅。僕射今誰托父兄。雲暗旌旗。婆勒渡。月明刁斗。受降城。左賢早待長繩。縛莫遣論功白髮生。

忘世人有此悲壯之作。諸選本往往遺之。

寫懷寄僧

虛壁踈燈一穗紅。閑階隨處亂鳴蟲。明河有影微雲外。清露無聲萬木中。澤國蒼茫

秋水滿。居民流。落野烟空。不知誰解拋憂患。獨對青山憶贊公。

史

鑑字明古
吳江布衣

子昂蘭

國香零落佩。瓊空芳草青青合。故宮誰道有人和。淚寫託根無地怨。東風。

戴

冠

冠字章甫長洲人以貢授一
興府訓導後又有兩戴冠一

題姚少師畫竹

北地風高卷塞雲。驚沙吹起雁成群。客邊偶寫龍孫譜。忘却江南有此君。王湛求云
風入善詭

莫

止

止字如山無錫人。句如天
潤一聲何處雁江平千里獨

歸舟風致
脩然自遠

昭君曲

但使邊城靜。蛾眉敢愛身。千年青冢在。猶

是漢宮春

李夢陽

夢陽字天賜更字獻吉度陽人徙扶溝宏治癸七進士官

郎中代尚書韓文侯奏劾劉瑾坐奸

黨致仕起及尚書提學副使寧庶人既

卒後第子私謚古文毅天啓中追謚景

文○後空同五言古宗法陳思康樂然

過于雕刻未極自然七言古雄渾悲

壯縱橫變化七言近體開合動盪不

拘一故方準之杜陵幾於具體故當雄

擬剽賊等子嬰兒之學語至謂讀書

口藉掃而空之不欲使培擊前賢者得以

內教場歌

內教場者李子紀時事而作也帝自

將練兵於內廷

雕弓豹韃騎白馬大明門前馬不下徑入

內伐鼓大同耶宣府耶將軍者許耶鮮武

臣不習威奈彼四夷西內樹旗皇介夜馳

鳴砲烈火。嗟嗟辛苦。二解

湘妃怨

來蘭湘北。止。寒木澧南。潯淶水含瑤彩。微風托玉音。雲起蒼梧夕。日落洞庭陰。不知篁竹苦。惟見淚斑深。

雜詩

稅椽蝕以傾。梁棟誠獨難。流言播四國。周公。有疑患。涼飈激頽景。奄忽不可攀。衆羽日繽紛。朱鳥戢其翰。殺身苟無益。去去從所安。傷哉式微詩。千載起予嘆。

茅以鞞為席。栢以勁為薪。君子憂治世。愚者幸不辰。張置以待兔。雉也菑其身。物理雖云殊。罹脫各有因。浮沙卷奔藿。朔吹揚驚馬。塵日暮臨大道。悵望曷能陳。

登山望四海。日夕忽至沉。俯身眺城郭。痗然沾我襟。交路夾芳蘭。逝駟何駸駸。朱樹

藹閑榭。奇巧媚荒淫。北里進異舞。高堂呈
妙音。纖羅振芬芳。朝雲遮嘉吟。不見秋日
草零落。愁春心。

衛上別王子

晨風應候至。鷄鳴各嚴車。我今游宋中。子
當旋舊閭。僕夫理前綏。轅馬悲鳴趨。一別
阻秦周。相望萬里餘。首春霜露重。厚汝征
衣襦。昔為同袍士。今在天一隅。故者日以

遠。疇能察區區。

土兵行

奏調廣西。亂都御史陳金

行所由作也

豫章城樓。飢啄鳥黃。狐跳踉追。赤狐北風
兆。來江怒湧。土兵攫人人。叫呼城外之人
徙。城內塵埃不見。章江塗花裙。蠻奴逐婦
女。白奪釵釧。換酒沽父老。向前語蠻奴。慎
勿橫行王法誅。華林桃源諸賊徒。金帛子

女山不如汝能破之惟汝欲犒賞有酒牛
 羊豬大者陞官佩綬超蠻奴怒言萬里入
 爾都爾生我生屠我屠勁弓毒矢莫敢何
 意氣似欲無彭湖彭湖翩翩飄白旗輕舸
 蔽水陸走車黃雲卷地春草死烈火誰分
 瓦與珠寒崖日月豈盡照大邦魑魅難久
 居天下有道四夷守此輩可使亦可虞何
 况土官妻妾俱美酒大肉吹笙竽揚用以修

諺論少陵亦云此輩少為貴也歸

五莖行

昨當大風吹雪過湖船無數冰打破冰驤
 崑崙山嶽立行人駭觀淚交墮景泰年間
 一文雪父老見之無此禍鄱陽十日路漸
 截廬山百姓啼寒餓旌竿凍折鼙鼓啞浙
 軍楚軍袖手坐將軍部兵蔽江下飛報沿
 江催豆莖邑官號呼手足皴馬騾雞犬遺

眠卧前時邊達三千軍。五箇病熱死兩箇。
 彎弓值凍不敢發。昔何猛毅今何懦。李郭
 鄴城圍不下。裴度淮西手可唾。從來強弱
 不限域。任人豈論小與大。當衢寡婦攜兒
 哭。秋禾枯槁春難播。縱健徵科何自出。大
 兒牽繯陸挽馱。似古語。俚質生硬處正不易到。

明星篇

明星出地一丈高。天門沉沉魚鑰動。沙隄

露下玉珂寒。直廬雜唱金蓮重。千門萬戶
 曉鐘發。明星漸高河漸沒。燦爛疑侵翔鳳
 樓。依稀故抱飛龍闕。鳳樓龍闕帶層城。翠
 輦朱衣夜夜行。黃昏競奏催花宴。天明猶
 聽打毬聲。蘭烟桂火輝如日。明星迢迢照
 不入。百子池頭青草生。長信宮中紫苔集
 草色苔香秋復春。此日乘槎若問津。明星
 曉落宵還見。白髮黃金愁殺人。

漢京篇

漢京臨帝極。復道衆星羅。烟花開甸服。錦繡列山河。山河自古稱佳麗。城中半是王侯第。峻閣重樓夾道懸。雲房霧殿森虧蔽。牧豚賣珠登要津。樊侯亦是鼓刀人。時來叱咤生風雨。奄見吹噓走鬼神。平津結兄蓋侯弟。杯酒相看何意氣。執鞭盡是虎賁郎。守門不數長安尉。長安烽火入邊城。挺劍辭君萬里行。去日千官遮馬餞。歸來天子降階迎。朱弓尚抱流沙月。寶劍常飛瀚海星。不分燕然先勒石。直教麟閣後標名。豈知盛滿多仇忌。可惜繁華如夢寐。地宅田園奪與人。丹書鐵券成何事。霍氏門前孤夜號。魏其池館長蓬蒿。三千食客今誰在。十二珠樓空復高。後車不戒前車覆。又破黃金買金谷。洛陽亭榭與山齊。北邙草

馬如雲逐陰郭豪華真可憐。雲臺將相珥

貂連當時却怪桐江叟。猶著羊裘伴帝眠。

功高自滿千古同病漢博陸侯其炯戒也

未以不受爵祿者點破昏庸與李頎漢朝

去婦詞

正德元年戶部尚書韓文暨內閣師

保等咸相繼去位李子作此詞也

孔雀南飛雁北翔。含顰攬涕下君堂。繡幙

空留並菡萏。羅袂尚帶雙鴛鴦。菡萏鴛鴦

誰不羨。人生一別何由見。只解黃金頃刻

成。郡知碧海須臾變。賤妾甘為覆地水郎

君。忽作離弦箭。憶昔嫁來花滿天。賤妾郎

君俱少年。瑤臺築就猶嫌惡。金屋裝成不

論錢。重樓複道天中起。結綺臨春照春水。

宛轉流蘇夜月前。萋迷寶瑟烟花裡。夜月

烟花不相待。安得朱顏常不改。若使相逢

無別離肯放馳波到東海。薄命雖教婦如
知。衰年恨少姑嫜在。長安大道接燕川。隣
里攜壺舊路邊。妾悲妾怨憑誰省。君舞君
歌空自憐。郎君豈是會稽守。賤妾寧同會
稽婦。郎乎幸愛千金軀。但願新人故不如。
深婉可
以怨矣

朝飲馬送陳子出塞

朝飲馬。夕飲馬。水鹹草枯馬不食。行人痛
哭長城下。城中白骨借問誰。云是今年築
城者。但道辭家別六親。寧知九死無還身。
不惜身為城下土。所恨功成賞別人。去年
賊掠開城縣。黑山血迸單于箭。萬里黃塵
哭震天。城門晝閉無人戰。今年下令修築
邊。丁夫半死長城前。城南城北秋草白。愁
雲日暮鳴胡邊。

胡馬來再贈陳子

冬十二月胡馬來。白草颼颼黃雲開。沿邊十城九城閉。賀蘭之山安在哉。傳聞清水不復守。遊兵早扼黃河口。即看烽火入甘泉。已詔將軍屯細柳。去年穿塹長城裡。萬人齊出千人死。陸海無毛殺氣蒸。五月零冰凍河水。當時掘此云備胡。胡人履之猶坦途。聞道南侵更西下。韋州固原今自燕。從來貴德不貴險。英雄豈可輕為謨。尚書

號令速雷電。抱玉誰敢前。號呼遂令宵旰議。西討茲咎只合歸。吾徒我師如貔將。如虎九重按劍赫。斯怒惜哉尚書謝師早。不覩將軍報平虜。軒然而來神勇無敵

贈何舍人齋詔南紀諸鎮

先皇乘龍去不返。悲風慘澹吹宸極。四海哭若喪慈母。百官狂走天為黑。憶昨臨危坐御牀。手挈神器歸今皇。密語丁寧肺腑

烈三老親聞眼流血。金滕立剖石室秘。此事難從外人說。吾君謙讓不可得。割哀踐阼宏祖烈。日月重懸萬國朝。雷雨赦過群方悅。越南海北霹靂動。蠻夷盡奉王正月。此時九道使臣出。舍人亦輟螭頭筆。白馬朝騰薊北雲。錦帆暮閃江沱日。江沱秋交多烈風。洞庭雲夢俱眼空。巴陵縣令舍人兄。接詔會第西樓中。童年題詩在高壁。六載不到紗為籠。南嶽以南惟峻山。苦蒸毒霧何盤盤。天王新令雷電掣。妖蛇不敢啼林端。五溪官長喘喙拜。黔州父老垂淚看。却瞻蒼梧雲氣黑。斑竹臨江怨幽色。翠華縹緲空冥間。此時此恨誰知得。君不見馬援柱孔明碑。剝落黃蒿裡。千年萋苔待君洗。萬里之行自此始。歸來何以獻天子。

奉送大司馬劉公歸東山草堂歌

東山有草堂。縹緲雲嶠孤。前對祝融峰。下
瞰巴陵湖。明公昔時此堂居。麋鹿熊豕當
窓趨。洞庭日落風浪湧。倒影射堂堂。欲動
慘淡誰聞紫芝曲。獨善不救蒼生哭。先帝
親裁五色詔。老臣曾受三朝祿。此時邊徼
多戰聲。曳履謁帝登承明。謝安笑却淮淝
敵。魏相坐測單于兵。九重移榻數召見。夾
城日高未下殿。英謀密語人不知。左右微
聞至。尊羨自從龍去不可攀。公亦卧病思
東山。湘娥含笑倚竹立。山鬼窈窕堂之側。
上書苦死只欲歸。聖旨優容意悽惻。內府
盤螭縷金織。賜出傾朝皆動色。白金之鉞
紅粟記。寶鈔生硬鴉翎黑。崇文城門水雲
白。是日觀者途踞塞。城中冠蓋盡相送。塵
埃遮斷長安陌。人生富貴豈有極。男兒要
在能死國。不爾抽身早。亦得君不見漢二

疏千載想慕傳畫圖。即如草堂何處無。祿
 食醜竊胡為乎。及知我公真丈夫。嗚呼乃
 知我公真丈夫。從橫排官不求合法自然
 中節子由所云千金戰馬
 洼坡真潤如履平地者也
 英
 謀密語十四字是孝宗寔錄

送李帥之雲中

黃風北來雲氣惡。雲洲健兒夜吹角。將軍
 按劍坐待曙。紇于山。搖月半落槽頭馬。鳴
 士飯飽昔無完衣。今繡襖沙場緩轡行。射
 鴈秋草滿地單于逃。

送李中丞赴鎮

黃雲橫天海氣惡。前飛鷺鷥後叫鶴。陰風
 夜撼醫巫閭。曉來雪片如手落。中丞按轡
 東視師。躬歷險隘。揮熊貔。已嚴號令。偃鼓
 角。更掃日月。開旌旗。椎牛李牧將士躍。射
 虎李廣匈奴知。屯田金城古不謬。賣劍渤
 海今其時。塞門蕭蕭風馬鳴。長城雪殘春

草生低飛鴻雁胡沙靜遠遁鯨鯢瀚海清
不觀小范擒戎日誰信胸中十萬兵

起手蒼涼沉鬱神乎老杜

上元訪杜練師

宣王昔時乘八風御龍遊戲行烟空馬前
兩兩侍玉女別館多在蓬萊宮朝天宮中
舊時殿樓臺畫鎖無人見琉璃井塌青苔
滿松栢森森月如練嗚呼往事難具陳燈

火如山又一春北斗壇西訪隱淪我師黃
衫白氎巾坐我更致西樓賓玉杯斂灑赤
瑪瑙織罽四角銀麒麟酒肉山堆滿堂醉
仙厨徃徃來八珍孝宗之朝五真人師也
磊落當其倫自言召見親賜食曾把丹書
獻紫宸如今寂寞看春色銀魚玉帶無消
息豈惟魚帶無消息欲語吞聲淚沾臆勸
師對此莫酸辛世間萬事如轉輪且將芝

草供生計。聊與烟霞作主人。月偏彩雲當
 牖生。旋呼兩童吹玉笙。聞師妙得逡巡術。
 百壺倒盡還須傾。古來仙子向誰在。飲者
 翻垂千載名。名垂千載亦區區。酒闌燈昏
 夜復徂。不見秦陵草已宿。春生樹啼雙老
 烏。此時亦應群帝趨。金燈翠旗光自無。
 君故之思寫得神靈恍惚

石將軍戰場歌

清風店南逢父老。告我己巳年間事。店北
 猶存古戰場。遺鏃尚帶勤王字。憶昔蒙塵
 實慘怛。反覆勢如風雨至。紫荆關頭晝吹
 角。殺氣軍聲滿幽朔。胡兒飲馬彰義門。烽
 火夜照燕山雲。內有于尚書。外有石將軍。
 石家官軍若雷電。天清野曠來酣戰。朝廷
 既失紫荆關。吾民豈保清風店。牽爺負子
 無處逃。哭聲震天風怒號。兒女牀頭伏鼓

角野人屋上看旌旄將軍此時挺戈出殺
 敵不異草與蒿追北歸來血洗刃白日不
 動蒼天高萬里烟塵一劍掃父子英雄古
 來少單于痛哭倒馬關羯奴半死飛狐道
 處處懽聲噪鼓旗家家牛酒犒王師應追
 漢室嫖姚將還憶唐家郭子儀沉吟此事
 六十春此地經過淚滿巾黃雲落日古骨
 白砂礫慘淡愁行人行人來折戰場柳下

馬坐望居庸口却憶千官迎駕初千乘萬
 騎下皇都乾坤得見中興主殺伐重開載
 造圖姓名應勒雲臺上如此戰功天下無
 嗚呼戰功今已無安得再生此輩西備胡
追北歸來二語門之字字俱起窪稜石
享跋屈伏法臣節有虧要之戰功不可埋
沒此特表其戰功也上皇返國寔由尚書
之守將軍之戰作者特為表出中云還憶
唐家郭子儀以不失臣
節愧之也此作者微意

元明宮行

今冬有人自京至。向我道說元明宮。土木
侈麗誰辨此。今乃遺臭京城東。割奪面勢
創巖業。出入日月開帡幪。矯托敢與天子
競。立觀忍將雙闕同。前矻石柱雙螭龍。飛
梁凌迤三彩虹。寶構合沓殿其後。儼如山
嶽翔天中。金銀為堂玉布地。千門萬戶森
相通。光景閃爍倏忽異。雲烟鬼怪芘杳濛。
以東金榜祠。更侈樹之松檟雙梧桐。溟池
島嶼鯁鯉躍。孔雀翡翠兼羆熊。那知勢極
有消歇。前日虎豹今沙蟲。窓扉自開衛不
守。人來遊玩搖玲瓏。陛隅龍獸折其角。近
有盜換香鑪銅。青苔生泥鏡面鎖。野鴿哺
子雕花櫳。憶昔此闔握乾柄。帝推赤心闔
罔忠。威刑霹靂縉紳毒。自尊奴僕侯與公。
變更累朝意。叵測培克四海真。困窮長安
奪地塞巷陌。心復艷此闔。何蒙構結擬絕

天下巧搜剔。遂盡輸倭工。神廠擇木內苑。竭官阮選石。西山空夷墳。伐屋白日黑。揮汗如雨斤成風。轉身唾罵閻得知。退朝督勞何匆匆。人心嗟怨入骨髓。鬼也孰敢安高崇。我碑照耀頌何事。或有送男充道童。聞言愴惻黯無咎。私痛聖祖開疆功。渠干威福開者誰。法典雖嚴奈怙終。錦衣王食已叨竊。琳宮寶宇將安雄。何官無碑鑄護。

勅來者但看元明官。

此為宦官劉瑾作也。鋪陳盛衰皆托他人。

之言聞言愴惻以下方入自己謙論痛惜祖訓垂戒後人見大章法大文字。明祖於宮門監鐵牌使宦官不許干政後成祖以建文內監翰君臣密謀心甚德之遂漸干事權渠干威福開者誰蓋指此也。

林良畫兩角鷹歌

百餘年來畫禽鳥。後有呂紀前邊昭。二子工似不工意。吮筆決背分毫毛。林良寫鳥祇用墨。開縑半掃風雲黑。水禽陸禽各臻

妙挂出滿堂皆動色。空山古林江怒濤。兩
鷹突出霜崖高。整骨刷羽意勢動。四壁六
月生秋飈。一鷹下視睛不轉。已知兩眼無
秋毫。一鷹掉頭復欲下。漸覺振鬮風蕭蕭。
匹綃雖慘淡。殺氣不可滅。戴角森森瓜拳
鐵。迴如愁胡背欲裂。朔風吹沙秋草黃。安
得臂爾騎馱。馱草間妖鳥。盡擊死。萬里晴
空灑毛血。我聞宋徽宗亦善貌。此鷹後來

失天子。餓死五國城。乃知圖畫小人藝。工
意工似皆虛名。校獵馳騁亦末事。外作禽
荒古有經。今王恭默罷游晏。講經日御文。
華殿南海西湖馳道荒。獵師虞長皆貧賤。
呂紀白首金爐邊。日暮還家無酒錢。從來
上智不貴物。淫巧豈敢陳。王前良乎良乎。
寧使爾畫不直錢。無今後世好畫兼。好畋
從畫說到獵。從獵開出議。論後畫獵雙收。
何等章法筆力。亦如神龍蜿蜒。捕捉不住。

鄭生至自泰山

昨汝登東岳。何峰是絕峰。有無丈人石。幾許大夫松。海日低波鳥。巖雷起窟龍。誰言大下小。化外亦王封。

陳語須此翻用法

泰山

俯首無齊魯。東瞻海似杯。斗然一峰上。不信萬山開。日抱扶桑躍。天橫碣石來。君看秦始後。仍有漢皇臺。

四十字有包絡乾坤之藥可以作泰山詩

浮江

浮江晴放舸。挂席曉須風。日倒明波底。天平落鏡中。開窓問赤壁。換柁失吳宮。萬古滔滔意。潯陽更向東。

明遠樓春望

貢院初開闕。春陰獨倚欄。柳邊千艦聚。花裡萬家殘。風雨江聲壯。兵戈地色寒。斷腸

沙雁北群起向長安

蔣仲舒云含愁無限

朱仙鎮廟

宋墓莽岑寂岳宮今在茲風霜留檜栢陰
雨見旌旗百戰回戈地中原左衽時土人
嚴伏臘偏護向南枝

得何子過湖南消息

及遇荆門信洞庭秋已淒湘江饒苦竹幾
聽鷓鴣啼馬援留銅柱王褒祀碧雞湖南
衝瘴癘藥物去曾攜

讀直道陳公祚遺事

上主能容直當言敢顧身累朝傳諫疏萬
死作歸人古廟穠花晚孤墳勁草春從來
淹沒士特筆在詞臣

野風

山鳴野風至漢水亦蕭蕭月澗魚龍醒雲
蒸豺虎驕有家驚節物不寐想前朝萬古

英雄跡。江城夜寂寥。

出塞

黃沙白草莽蕭蕭。青海銀州殺氣遙。關塞
豈無秦日月。將軍獨數漢嫖姚。往來飲馬
時尋窟。弓箭行人各在腰。晨發靈州更西
望。賀蘭千嶂果雲霄。

秋望

黃河水遠漢邊牆。河上秋風雁幾行。客子

過壕追野馬。將軍發箭射天狼。黃塵古渡
迷飛輓。白月橫空冷戰場。聞道朔方多勇
略。只今誰是郭汾陽。
王元美云
雄渾流麗

潼關

咸東天險設重關。閃日旌旗虎豹閑。隘地
黃河吞渭水。炎天白雪壓秦山。舊京想像
千官入。餘恨逡巡六國還。滿眼非無棄繻
者。寄言軍吏莫嗔顏。

靈武臺

環。縣。城。邊。靈。武。臺。肅。宗。曾。此。辟。蒿。萊。二。儀。
 高。下。皇。輿。建。三。極。西。南。玉。璽。來。衣。白。山。人。
 經。國。計。朔。方。孤。將。出。群。才。可。憐。一。代。風。雲。
 際。不。勸。君。王。駕。鶴。廻。答肅宗之闕於子
職也語微而顯

艮嶽篇

宋。家。行。殿。此。山。頭。千。載。來。人。水。一。邱。到。眼。
 黃。蒿。元。玉。砌。傷。心。錦。纜。有。漁。舟。金。繒。社。稷。

和。戎。日。花。石。君。臣。棄。國。秋。漫。倚。南。雲。望。南。
 士。古。今。龍。戰。是。中。州。人知南渡之庸懦而
不知覆亡之禍原于
徽宗君臣之宴樂也
五六語藏得議論

臺寺夏日

古。臺。高。並。巒。岩。堯。斷。塔。稜。層。鎖。寂。寥。積。雪。
 洞。門。常。慘。慘。炎。天。松。栢。轉。蕭。蕭。雲。雷。畫。壁。
 丹。青。壯。神。鬼。虛。堂。世。代。遙。惆。悵。宋。宮。偏。泯。
 滅。二。靈。哀。怨。不。堪。招。

楚望望襄中形勢

楚望峰頭望楚雲。遙憐紫蓋紫陽君。廬荒
不斷盤龍氣。碑滅猶存墮淚文。地轉江淮
浮遠戍。水通巴峽斬雄軍。里名冠蓋非吾
事。願訪鹿門麋鹿群。

送毛監察還朝是時皇帝狩於揚

河

楚生臨水送將歸。黎子當筵賦式微。天下
汝為真御史。百年吾是舊漁磯。沙寒白日
蓬科轉。風起黃河水葉稀。此去有書應力
上。太平天子本垂衣。

別徐子禎卿得江字

我愛南州徐孺子。明瑤美璧世無雙。新從
北極看南極。便自吳江下楚江。日落鷓鴣
啼廟口。水清班竹映船窓。彌衡王粲俱黃
土。千載何人復此邦。

限韵贈黃子

禁垣春日紫烟重。子昔為雲我作龍。有酒
每邀東省月。退朝曾對掖門松。十年放逐
同梁苑。中夜悲歌泣孝宗。老體幸強黃犢
健。柳吟花醉莫辭從。

秋懷

慶陽亦是先王地。城對東山不窰墳。白豹
塞頭惟皎月。野狐川北盡黃雲。天清障塞
收禾黍。日落谿山散馬群。回首可憐鼙鼓
急。幾時重起郭將軍。

苑西遼后洗妝樓。檻外芳湖靜不流。亂世
君臣那在眼。異時松柏自深愁。雕欄玉柱
留天女。錦石秋花隱御丹。萬古中華還此
地。我皇親為掃神州。

鄱陽湖十六韻

太祖平陳日。樓船下此湖。波濤留壯色。天

地見雄圖。水上開黃屋。雲中下赤烏。士猶
詢後載。戈已倒前徒。力屈鯨鯢仆。聲回雁
鶩呼。橫江收玉筍。跨海定金符。文軌遙通
楚。梯航訖至吳。虎賁雖莫敵。龍戰豈全辜。
血染猶丹草。骨沉空白蕪。汀洲夜寂寂。霜
月鬼嗚嗚。殺氣籠鼉徙。腥風島嶼孤。甯人
拾古鏃。艇客慨秋菰。偉彼高光烈。還將蕭
鄧湏。英謀協睿笑。勇奮想長驅。劍瘞神仍

王舟焚勢與祖康山魏廟在忠武激頑夫

曉鶯

睨睨夢中迷。流鶯碧樹西。起來紅日照。已
度別枝啼。

塞上

天設居庸百二關。祁連更隔萬重山。不知
誰放呼延入。昨夜楊河大戰還。

夏口夜泊別友人

黃鶴樓前日欲低。漢陽城樹亂烏啼。孤舟
夜泊東游客。恨殺長江不向西。

汴京元夕

中山孺子倚新妝。鄭女燕姬獨擅場。齊唱
憲王春樂府。金梁橋外月如霜。

聖節聞駕出塞

千官北首望龍旂。萬國車書集鳳闈。入駿
穆。玉。秋。色。遠。幾。時。親。擁。白。狼。歸。

明詩別載集卷四

月言另集

卷四

三

